



Inatsisartunut ilaasortaq Anthon Frederiksen

E-mailikkut nassiunneqarpoq inatsisartut@inatsisartut.gl

05-02-2018

§ 37-i atorlugu apeqquteqaat §37 2018-031-imut akissuteqaat

Sags nr. 2018 – 3002/AAN
2018-3245

Asasara Anthon Frederiksen

Postboks 1605
3900 Nuuk

Inatsisartut suleriaasianni § 37 imm. 1 naapertorlugu soraarnerussutisiaqarnissamut aaqqissuussinermut pinngitsoorani ilaanissamut tunngasunik Naalakkersuisunut apeqquteqaateqarputit. Apeqquteqaatit uannit akineqarnissaat innersuutigineqarpoq.

Tlf. (+299) 34 65 00
Fax (+299) 32 20 42
E-mail: tax@nanoq.gl
www.aka.gl

1. Soraarnerussutissiassanut ileqqaaruteqarnissamut nunaqarfinni isorliu-nerusuni illoqarfinnilu mikinerusuni bank-eqanngitsuni allatulluunniit qanimut ilitserorneqarnissaamut inuit periarfissaqanngitsut qanoq ilit-sersuunneqarpat?

Akileraartarnermut Aqutsisoqarfiup paasissutissiinermik ingerlatsinera nuna tamakker-lugu radiokkut TV-ikkullu allagarsiinerit aallakaatitanillu naatsukkaanik aallakaatitsinerit ilaatigut aqutugalugit innuttaasut nunaqarfinni, inoqarfinni isorliu-nerusuni illoqarfin-niluunniit minnerni najugaqartut eqqarsaatigalugit paasissutissiineq ingerlappaa.

Radiokkut TV-ikkullu allagarsiinerit aallakaatitanillu naatsukkaanik aallakaatitsinerit aqutugalugit inatsisip atuutileranerani aammalu Akileraartarnermut Aqutsisoqarfiup nit-tartagaani paasissutissiissutinik sukumiinerusunik aallerfissat pillugit paasissutissiis-soqarpoq. Tamatumalu saniatigut illoqarfinni nunaqarfinnilu innuttaasut kommuunini in-nuttaasut sullissivii aqutugalugit paasissutissanik tamatigut aallersinnaajuannarput.

Akileraartarnermut Aqutsisoqarfiup paasissutissiinerni iliuserisaasa ataatsimut allattor-simaffii ataani tullerissarneqarput:

Piffissaq	Pineqartoq
1. Januar 2018	Soraarnerussutisiaqarnissamut aaqqis-suussinermut pinngitsoorani ilaanissamut inatsisip atuutilerfia.
Januar 2018	Akileraartarnermut Aqutsisoqarfiup soraarnerussutisiaqarnissamut aaqqissuus-sinermut pinngitsoorani ilaanissamut tunngasunik annertusisamik paasissutis-sanik tamanut saqqummiussinera. Atta-veqatigiinneq aqutit marluk atorlugit in-gerlanneqarpoq: Innuttaasunut kiisalu suliffeqarfiit (sulisitsisut). Paasissutissat nalinginnaasut, pissutsit pisinnaasut na-linginnaasut pillugit nassuiaatit

	pineqartullu pillugit apeqqutigineqakkajut-tunut akissutissat saqqummiunneqarput.
Januar 2018	KNR-ip Qanorooq-imi soraarnerussutisiaqarnissamut aaqqissuussinermut pinngitsoorani ilaanissamut tunngasut ulloq 5. januar 2018 ilanngutassiivoq. KNR-ip paasissutissat atugai Akileraartarnermut Aqutsisoqarfimmit tunniunneqarput.
Januar 2018	Sermitsiaq AG-ip soraarnerussutisiaqarnissamut aaqqissuussinermut pinngitsoorani ilaanissamut tunngasut ulloq 5. januar 2018 naqitanngorlugu ilanngutassiivoq, Akileraartarnermut Aqutsisoqarfik apersoneqarnerata kingorna.
Januar 2018	Akileraartarnermut Aqutsisoqarfiup KNR radio aqutigalugu radiokkut ilanngutassiat naatsut aqutigalugit soraarnerussutisiaqarnissamut aaqqissuussinermut pinngitsoorani ilaanissamut tunngasut nalunaarutigai. Radiokkut ilanngutassiat naatsut sapaatit akunneri marluk ullullu pingasut ingerlanneqarput.
Januar 2018	KNR TVkkut allagarsiissutit aqutigalugit soraarnerussutisiaqarnissamut aaqqissuussinermut pinngitsoorani ilaanissamut tunngasut Akileraartarnermut Aqutsisoqarfiup saqqummiuppai. TVkkut allagarsiissutit sapaatit akunneri pingasut ingerlanneqarput.
Januar 2018	Akileraartarnermut Aqutsisoqarfik KNR radiokkut aallakaatitassiaani immiunneqarsimasumi ilaavoq, tamatumani soraarnerussutisiaqarnissamut aaqqissuussinermut pinngitsoorani ilaanissamut tunngasut innuttaasunut paasissutissineq. Aallakaatitassiaq sapaatip akunnerani 4-mi aammalu sapaatip akunnera 5-imi aallakaatinneqarpoq.

2. Aalisarnermik piniarnermillu inuussutissarsiutillit inuussutissarsiuteqartut soraarnerussutisiassanut ileqqaaruteqarnissamut nutaamut atatillugu immikkut aqqissuussivigineqarpaat?

Naamik, inatsimmi innuttaasut 18-inik ukioqalereersimasut tamavimmik ilaatinneqarput, Kalaallit Nunaanni tamakkiisumik akileraartussaataitasut aammalu inuit ukiut soraar-ninngorfissanik suli ukioqalersimanngitsut, tak. Utoqqalinersiaqarneq pillugu Inatsisartut inatsisaanni § 1-i, tamatumani aalisartut piumasaqaatinik taaneqartuni allassimasunik naammassinnissinnaasut aamma ilanngullugit.

Uannut pingaaruteqarpoq ersarissassallugu inatsisip ilaatigut qulakkiissammagu innut-taasut inatsimmi pineqartumi ilaatinneqartut tamarmik utoqqalinerminni ileqqaagaqar-nissaat. Inatsisillu atuutilersinneqarnera sioqqullugu innuttaasut allat ileqqaagaqarput. Inatsimmi piumasaqaatinik eqquutitsisumik utoqqalinersiaqalernissamut ileqqaagaqare-eraannilu iliuuseqaqqinnissaq pisariaqassanngilaq.

3. Namminersorlutik Oqartussat utoqqalinissamut ileqqaartalernissamut aqqissuussinermut nutaamut atatillugu annersumik paasisitsiniaanis-samik pilersaaruteqarpaat?

Paasissutissiinissanik sukumiinerusunik maannarpiaq pilersaaruteqartoqanngilaq. Paa-siissutissanilli pisariaqartitsineq ataavartumik Akileraartarnermut Aqutsisoqarfimmit na-lilersorneqartuassaaq, Akileraartarnermullu Aqutsisoqarfiup nittartagaani paasissutissat malinnaatinneqaannavinnissaat ukkatarissallugu.

4. Soraarnerussutissiassanik kikkut tamarmik ileqqaartussaataitanerannut nutaamut atatillugu paasisitsiniaanermi SISA-p oqaatigaa soraarnerussu-tissiassat erniortinneqartut soraarnerussutisiassalinnut iluaqutaanissaat qulakkeerniarlugu, illuatungaatigut bank-it nalunaarput soraarnerussutisi-assanut katersat erniaqanngitsut, tassagooq bank-i aningaasanik Natio-nalbank-imi uninngatitsiguni akiliisariaqartarmat – taamaammat paase-rusuppara sorleq ilumoorpa?

Ernialesuinerit pillugit SISA-p aningaaseriviillu qanoq oqaaseqarsimani oqaaseqarfi-gisinnaanngilakka. Paasinninnera najoqqutaralugu innuttaasut ileqqaagaqartussaataita-nerinik SISA aningaaseriviillu marluk pineqartut eqquutitsillutik utoqqalinersiassanik aqqissuussinernik innuttaasunut pilersitsisareerput. Utoqqalinersiassanillu tuni-niaasartut sullitami ileqqaagaannik sullitamik isumaqatigiissuteqarfigalugit pitsaanerpa-aamik inissinniartaraat aamma naatsorsuutigaara.

Inussiarnersumik inuulluaqqusillunga

Aqqaluaq B. Egede

Aningaasaqarnermut Akileraartarnermullu Naalakkersuisoq